

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 75. sjednici Predstavničkog doma, održanoj 7. aprila 2010. godine, i na 45. sjednici Doma naroda, održanoj 19. aprila 2010. godine, usvojila je

ZAKON

O IZMJENAMA I DOPUNAMA IZBORNOG ZAKONA BOSNE I HERCEGOVINE

POGLAVLJE 1. OSNOVNE ODREDBE

Član 1.

U Izbornom zakonu Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08 i 37/08) u članu 1.1a u stavu (1) u tački 6) riječi: "period utvrđen" zamjenjuju se riječima: "radnje i postupke u periodu utvrđenom".

U istom članu i stavu u tački 10) riječi: "sa statusom" zamjenjuju se riječima: "u statusu".

U istom članu u stavu (1) iza tačke 11) dodaju se nove tačke 12), 13), 14) i 15) koje glase:

"12) "Izborni period" podrazumijeva period od dana raspisivanja izbora do dana potvrđivanja rezultata izbora.

13) "Izborna godina" je period koji se poklapa s kalendarskom godinom u kojoj je predviđeno održavanje izbora.

14) "Birač" je, u smislu ovog zakona, državljanin Bosne i Hercegovine koji je upisan u Centralni birački spisak.

15) "Glasač" je, u smislu ovog zakona, državljanin Bosne i Hercegovine koji je upisan u Centralni birački spisak i koji je ostvario aktivno biračko pravo."

Član 2.

U članu 1.2 u stavu (3) riječi: "stav 7" zamjenjuju se riječima: "stav (9)".

Član 3.

U članu 1.2a u stavu (3) riječi: "stav 7" zamjenjuju se riječima: "stav (9)".

U istom članu u stavu (5) iza riječi: "Sredstvima za" dodaju se riječi: "vršenje ovlaštenja i", iza riječi: "provođenje izbora" dodaje se riječ "samostalno" i iza riječi "raspolaže" dodaju se riječi: "u okviru odobrenog budžeta,".

POGLAVLJE 2. ORGANI ZA PROVOĐENJE IZBORA

Član 4.

U članu 2.2 u stavu (6) riječi: "stava (4) ovog člana" zamjenjuju se riječima: "stava (5) ovog člana".

Član 5.

U članu 2.3 u stavu (1) u tački 1. brojevi članova: "1.6 i 1.7" zamjenjuju se brojevima članova: "1.6, 1.7 i 1.7a".

Član 6.

U članu 2.6 riječi: "pet godina u trajanju od 15 mjeseci" zamjenjuju se riječima: "sedam godina u trajanju od 21 mjesec."

Član 7.

U članu 2.6a u stavu (1) na kraju teksta dodaju se riječi: ", u skladu sa zakonom."

U istom članu st. (3) i (5) brišu se.

U istom članu u stavu (4) koji je ovim izmjenama postao stav (3) riječi: "određena za članove Parlamentarne skupštine BiH" zamjenjuju se riječima: "utvrđena Zakonom o plaćama i naknadama u institucijama BiH."

Član 8.

U članu 2.9 stav (1) u tački 6. iza riječi: "kandidatske liste" dodaju se riječi: "i kandidate."

Član 9.

U članu 2.12 u stavu (8) riječi: "prethodnog stava" zamjenjuju se riječima: "stava (5) ovog člana".

U istom članu stav (9) mijenja se i glasi:

"(9) Članovi izbornih komisija osnovne izborne jedinice imaju pravo na stalnu mjesečnu naknadu za svoj rad. Visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala odbornika, odnosno vijećnika u toj osnovnoj izbornoj jedinici, a izvan izbornog perioda 30% od tog iznosa."

Član 10.

U članu 2.14 u stavu (1) riječi: "treba biti" zamjenjuju se riječju "je".

U istom članu i u istom stavu dodaje se nova rečenica koja glasi:

"Sastav izborne komisije će, u pravilu, odražavati ravnopravnu zastupljenost spolova".

Član 11.

U članu 2.15 u stavu (2) riječi: "izbornoj godini" zamjenjuje se riječima: "izbornom periodu, općinsko vijeće, odnosno skupština općine imenuje zamjenskog člana općinske izborne komisije, bez provođenja postupka izbora propisanog u članu 2.12 stav (5) ovog zakona,".

U istom članu iza stava (2) dodaju se novi st. (3) i (4) koji glase:

"(3) Mandat zamjenskog člana iz stava (2) ovog člana traje do povratka redovnog člana, odnosno do izbora novog člana po postupku propisanom članom 2.12 stav (5) ovog zakona.

(4) Ukoliko članu izborne komisije mandat ističe u izbornom periodu, mandat mu se produžava do isteka izbornog perioda, odnosno do potvrđivanja rezultata izbora, nakon čega će se izvršiti imenovanje novog člana izborne komisije po postupku propisanom u ovom zakonu."

Član 12.

U članu 2.19 iza stava (3) dodaju se novi st. (4), (5) i (6) koji glase:

"(4) Na odluku općinske izborne komisije o imenovanju predsjednika, članova biračkih odbora i njihovih zamjenika može se uložiti prigovor općinskoj izbornoj komisiji. Na odluku općinske izborne komisije, kojom je odlučeno o prigovoru, može se uložiti žalba Centralnoj izbornoj komisiji BiH.

(5) Politička stranka koja je članica koalicije ili nezavisni kandidat koji je član liste nezavisnih kandidata nema pravo u toj izbornoj jedinici samostalnog učešća u postupku žrijebanja i imenovanja za članove biračkog odbora.

(6) Politička stranka koja je članica više ovjerenih koalicija za različite organe vlasti ima pravo učešća u postupku žrijebanja u sklopu koalicije koja je ovjerena za najviši organ koji uključuje izborne jedinice nižeg organa vlasti."

Dosadašnji st. od (4) do (10) postaju st. od (7) do (13).

U istom članu stav (5), koji je ovim izmjenama postao stav (8), mijenja se i glasi:

"(8) Politički subjekt u toj izbornoj jedinici koji ima ovjerenu kandidatsku listu ili kandidata za učešće na izborima u skladu s ovim zakonom ima pravo da učestvuje u postupku žrijebanja za dodjelu mjesta u biračkom odboru."

U istom članu u stavu (6) koji je ovim izmjenama postao stav (9) broj "(5)" zamjenjuje se brojem "(8)", a riječi: "obavlja se" zamjenjuju se riječima: "obavlja općinska izborna komisija".

U istom članu u stavu (7), koji je ovim izmjenama postao stav (10), riječi: "politička stranka i nezavisni kandidat" zamjenjuju se riječima: "politički subjekt".

U istom članu u stavu (8), koji je ovim izmjenama postao stav (11), riječi: "politička stranka i nezavisni kandidat" zamjenjuju se riječima: "politički subjekt" i broj "(7)" zamjenjuje se brojem "(10)".

U istom članu u stavu (10), koji je ovim izmjenama postao stav (13), riječi: "jedne političke stranke" zamjenjuju se riječima: "jednog političkog subjekta".

U istom članu iza stava (10), koji je ovim izmjenama postao stav (13), dodaju se novi st. (14) i (15) koji glase:

"(14) Kandidati koji su imenovani za predsjednike i zamjenike predsjednika biračkih odbora obavezni su da pohađaju obuku za rad u biračkom odboru koju organizira općinska izborna komisija. Općinska izborna komisija će, nakon izvršene provjere znanja, uspješnim predsjednicima i njihovim zamjenicima dodijeliti certifikate.

(15) Predsjednici i zamjenici predsjednika biračkih odbora koji su dobili certifikat dužni su učestvovati u obuci članova biračkih odbora, koju organizira općinska izborna komisija. Općinska izborna komisija će, nakon izvršene provjere znanja, uspješnim članovima biračkih odbora i njihovim zamjenicima također dodijeliti certifikate."

Dosadašnji st. (11) i (12) postaju st. (16) i (17).

POGLAVLJE 3. BIRAČKI SPISAK

Član 13.

U članu 3.15 u stavu (3) druga rečenica: "Prijava mora biti primljena prije roka koji utvrdi Centralna izborna komisija BiH u periodu nakon raspisivanja izbora" briše se .

POGLAVLJE 4. OVJERA I KANDIDIRANJE

Član 14.

U članu 4.2 stav (2) briše se.

Član 15.

U članu 4.6 stav (4) briše se.

Član 16.

U članu 4.10 stav (5) briše se.

Dosadašnji st. (6) i (7) postaju st. (5) i (6).

Član 17.

U članu 4.12 stav (5) briše se.

Član 18.

U članu 4.13 u stavu (1) riječi: "u istoj izbornoj jedinici" brišu se.

Član 19.

U članu 4.15 stav (4) briše se.

Član 20.

U članu 4.21 stav (3) briše se.

Dosadašnji stav (4) postaje stav (3).

POGLAVLJE 5. PROVOĐENJE IZBORA

Član 21.

U članu 5.6 iza stava (1) dodaje se novi stav (2) koji glasi:

"(2) Predsjednik biračkog odbora, prilikom otvaranja biračkog mjesta, dužan je u skladu s propisom Centralne izborne komisije BiH odrediti dužnosti svakom članu biračkog odbora i evidentirati ih u dijelu zapisnika o radu biračkog odbora predviđenom za unošenje navedenih podataka."

Dosadašnji st. (2), (3) i (4) postaju st. (3), (4) i (5).

Član 22.

U članu 5.13 u stavu (2) iza riječi: "članu biračkog odbora" dodaju se riječi: "o čemu je član biračkog odbora dužan da ga upozori, i".

Član 23.

U članu 5.29a stav (1) u tački a) riječi: "00 sati prve nedjelje u oktobru" zamjenjuju se riječima: "24.00 sata na dan izbora".

Član 24.

U članu 5.31 iza riječi: "nezavisni kandidati" dodaju se riječi: "i kandidat s liste pripadnika nacionalnih manjina".

POGLAVLJE 6. ZAŠTITA IZBORNOG PRAVA

Član 25.

U članu 6.2 u stavu (1) iza riječi: "48 sati" dodaju se riječi: ", odnosno u roku od 24 sata u izbornom periodu" i iza riječi "povrede" dodaju se riječi: ", osim ako ovim zakonom nije drugačije određeno."

U istom članu u stavu (2) iza riječi "povredu" dodaju se riječi: "iz svoje nadležnosti", a riječi: "pravila ponašanja iz člana 7.3 ovog zakona" zamjenjuju se riječima: "odredbi ovog zakona".

U istom članu u stavu (3) riječi: "preko nadležne općinske izborne komisije" zamjenjuju se riječima: "nadležnoj izbornoj komisiji".

Član 26.

U članu 6.3 stav (1) iza riječi: "politička stranka ili koalicija" dodaju se riječi: "ili lista nezavisnih kandidata", iza riječi: "političke stranke ili koalicije" dodaju se riječi: "ili liste nezavisnih kandidata ili lice koje oni ovlaste".

Na kraju istog stava dodaje se nova rečenica koja glasi: "Podaci o ovlaštenom predstavniku deponiraju se kod općinske izborne komisije."

U istom članu stav (2) briše se.

Dosadašnji st. od (3) do (6) postaju st. od (2) do (5).

POGLAVLJE 7. PRAVILA PONAŠANJA U IZBORNOJ KAMPANJI

Član 27.

U članu 7.2 u stavu (2) na kraju teksta dodaje se nova rečenica koja glasi:

"Centralna izborna komisija zabranit će isticanje, štampanje i rasturanje oglasa, plakata, postera i drugih materijala, koji se koriste u svrhu izborne kampanje političkih stranaka, koalicija, listi nezavisnih kandidata ili nezavisnih kandidata, na kojima se žene ili muškarci predstavljaju na stereotipan i uvredljiv ili ponižavajući način i naložiti političkoj stranci, koaliciji, listi nezavisnih kandidata ili nezavisnom kandidatu da postavljene materijale ukloni. Odluka Centralne izborne komisije je konačna u upravnom postupku, ali se protiv nje može pokrenuti upravni spor."

U članu 7.2 u stavu (3) riječi: "organi državne vlasti" zamjenjuju se riječima: "organi vlasti na svim nivoima, javna preduzeća, javne ustanove i mjesne zajednice, na vjerskim objektima,".

Član 28.

U članu 7.3 u stavu (1) iza riječi: "listi nezavisnih kandidata" dodaju se riječi: ", listi pripadnika nacionalnih manjina".

U istom članu i stavu u tački 4. iza riječi: "novčane nagrade" dodaju se riječi: "ili druge materijalne koristi".

Član 29.

U članu 7.4 u stavu (1) iza riječi: "i nezavisnim kandidatima" dodaju se riječi: "i kandidatima na listama pripadnika nacionalnih manjina".

POGLAVLJE 10. PARLAMENT FEDERACIJE BOSNE I HERCEGOVINE

Potpoglavlje A

PREDSTAVNIČKI DOM PARLAMENTA FEDERACIJE BOSNE I HERCEGOVINE

Član 30.

U članu 10.13 broj "5.29" zamjenjuje se brojem "5.32".

POGLAVLJE 11. NARODNA SKUPŠTINA REPUBLIKE SRPSKE

Član 31.

U članu 11.15 broj "5.29" zamjenjuje se brojem "5.32".

POGLAVLJE 16. MEDIJI U IZBORNOJ KAMPANJI

Član 32.

U članu 16.14 u stavu 3. dodaje se nova rečenica koja glasi:

"Zabranjeno je vođenje izborne kampanje putem elektronskih i printanih medija koja je stereotipnog i uvredljivog sadržaja u odnosu na muškarce i/ili žene ili koja podstiče stereotipno i uvredljivo ponašanje na osnovu spola ili ponižavajući odnos prema pripadnicima različitih spolova."

POGLAVLJE 19A. KAZNENE ODREDBE

Član 33.

U članu 19.8 u stavu (1) u tački b) riječi: "član 2.13 stav (1) tačka 3." zamjenjuju se riječima: "član 2.13 stav (1) tačka 2.".

U istom članu i stavu u tački c) riječi: "član 2.13 stav (1) tačka 5." zamjenjuju se riječima: "član 2.13 stav (1) tačka 4.".

U istom članu i stavu u tački d) riječi: "član 2.13 stav (1) tačka 6." zamjenjuju se riječima: "član 2.13 stav (1) tačka 5.".

U istom članu i stavu u tački e) riječi: "član 2.13 stav (1) tačka 8." zamjenjuju se riječima: "član 2.13 stav (1) tačka 7.".

U istom članu i stavu iza tačke l) dodaje se nova tačka m) koja glasi:

"m) ne odredi dužnosti članovima biračkog odbora (član 5.6 stav (2));".

Dosadašnje tačke od m) do o) postaju tačke od n) do p).

U istom članu i stavu iza tačke o) koja je ovim izmjenama postala tačka p) dodaje se nova tačka r) koja glasi:

"r) ako izda glasački listić ili listiće suprotno propisima koji reguliraju izdavanje glasačkih listića (član 5.13);".

Dosadašnje tačke od p) do t) postaju tačke od r) do u).

Član 34.

U članu 19.9 stav (1) tačka c) riječi: "organi državne vlasti, na javnim površinama, na javnim putevima, duž njih ili iznad njih, kao i na saobraćajnim znacima" zamjenjuju se riječima: "organi vlasti na svim nivoima, javna preduzeća, javne ustanove i mjesne zajednice, te na vjerskim objektima, na javnim putevima i javnim površinama, osim na mjestima predviđenim za plaketiranje i oglašavanje".

U istom članu i stavu u tački t) riječi: "član 17.2 stav (2)" zamjenjuju se riječima: "član 17.2 stav (1)".

U istom članu i stavu u tački u) riječi: "član 17.2 stav (2)" zamjenjuju se riječima: "član 17.2 stav (3)".

Član 35.

Ovlašćuju se ustavnopravne komisije oba doma Parlamentarne skupštine Bosne i Hercegovine da, u roku od 30 dana od dana stupanja na snagu ovog zakona, utvrde prečišćeni tekst Izbornog zakona Bosne i Hercegovine.

Član 36.

Ovaj zakon stupa na snagu narednog dana od dana objavljivanja u "Službenom glasniku BiH".

PSBiH, broj 507/10
19. aprila 2010. godine
Sarajevo

Predsjedavajući
Predstavničkog doma
Parlamentarne skupštine BiH
Dr. **Milorad Živković**, s. r.

Predsjedavajući
Doma naroda
Parlamentarne skupštine BiH
Sulejman Tihić, s. r.